


छवआ मन केर बाइबिल प्रस्तुत

जेखन ईश्वर सोभ जीनिस के बनालक



लिखेख वाला: Edward Hughes
उधारण देवे वाला: Byron Unger; Lazarus
Alastair Paterson
उपाय करे वाला: Bob Davies; Tammy S.
अर्थ बताएक वाला: Anugrah Stosh Kindo
बनाएक वाला: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2020 Bible for Children, Inc.
अनुमति: तौय इके छाईप सकिसला और दुसर भी बनाएक
सकिसला मागुर वेईच नी सकिसला ।

के हमीन के बनालक? बाइबिल और ईश्वर केर वचन बतायला
की कनियर मनोवा कुटुम कर जनम होलक । ढेरी साल आगे
ईश्वर सोभ से आगे मनोवा के बनालक और उकर नाम आदम
रखलक । ईश्वर आदम के ई धरती केर माट्टी से बनालक,
जेखन ईश्वर आदम केर भीतरे जिन्दा करेक आत्मा
के डाललक ओहे बेरा ऊ जिन्दा
होई गेलक । उ अपने
के सुंदर बागीचा में




पालक जेके
अदन बगीचा
कहेना ।

आदम के बनायेक से आगे ईश्वर कतई सुंदर धरती जमीन और उकर में रहे वाला अदभुत जीनिस के बनालक । गोटेक बदे गोटेक ईश्वर पहाडी ठावं और गाँछ रहित हरियर ठावं, सुगन्धित फुला और लाम्बा लाम्बा गाँछ, चमकेक डैना वाला चराई और भिन्भिनायेक वाला भौरा, उछेलेक वाला व्हेल मछरी, चिकन चिकन घाँधी ।




3

सोब से सुरवात में, इकर से आगे की ईश्वर कोनो जीनिस के बनालक, हुवां कोनो नी रहलक । ना मनोवा ना ठावं ना कोनो जीनिस । कुछो नी रहलाक । ना इंजोत ना अंधार । ना उपरे ना निचे । ना गेलक दिना ना अवेक दिना । हुंवा ईश्वर एकला रह्लक, जैकर सुरवात नखे । उकर बदे ईश्वर कोनो धधा करलक । सुरवात में, ईश्वर आकाश और धरती के बनालक ।




4

और धरती सुनसान और उबड़ खाबड़ पडल राहे । और गहिरा पनी अंधकार केर उपरे रहे । उकार बदे ईश्वर कहलक ई ठावं इंजोत होई जा ।




5

और इंजोत होई गेलक । ईश्वर इंजोत के दिना काहलक और अंधार के राईत कहलक । और साँझ होलक उकार बदे बिहान होलक । ई पहिला दिना रह्लक ।




6

दुसर दिना के, ईश्वर महासागर केर पनी के आकाश केर नौचे समुंदर और झील केर रूप में कइर देलक । तिसर दिना, ईश्वर कहलक, "सुखाल ठावं दिसक लग ।" और ई होई गेलक ।




7

ईश्वर ई भी आदेश देलक की घांस और फूला और झुंड झाड़ और गाँछ मन दिसक लग और दिखेक लगलक । और साँझ होलक उकार बदे बिहान होलक । ई तीसर दिना रह्लक ।




8

उकर बदे ईश्वर सुरुज के बनालक, और चंदामामा और ढेरी तारागन, जेके की केहो गिनेक नी परबएं । और साँझ होलक उकार बदे बिहान होलक । ई चोथा दिना रहक ।



9


समुंदर केर जिव जंतु और मछरी और चराई ईश्वर केर आगे सूचि में रहलक । पांचवा दिना ईश्वर बड़का तलवार नियर मछरी और छोटका मछरी, लम्बा गोड़ वाला शतुरमुर्ग और बेस गुनगुनायेक वाला चराई के बनालक । ईश्वर सोभे रकम केर मछरी से धरती केर पनी के भोईर देलक, और सोभ रकम केर चराई केर खुशी लगिन जमीन और समुंदर और आकाश के बनालक । और साँझ होलक उकार बदे बिहान होलक । ई पांचवा दिना रहक ।



10

उकर बदे, ईश्वर और एक धों कहलक । उ कहलक “ई धरती में जिन्दा जीव जंतु होई जा ।” सोभ रकम केर जनवर और कीड़ा और रेंगेक वाला आय जा । हुंवा धरती हिलयेक वाला हाथी और हिने हुने जाएक वाला उद्विलन रहलक । सरारिती बांद्रा और बेस नी दिखेक वाला मगरमच्छ । हिलेक डुलेक वाला जोंक और निर्लज गिलहरी । सोभ रकम केर जनवर उ दिना ईश्वर बनालक । और साँझ होलक उकार बदे बिहान होलक ।

ई छटवां दिना रहक ।



11


छटवां दिना ईश्वर गोटेक आलागे जीनिस बनालक-गोटेक बहुते खास । एखन सोभ जीनिस मनोवा लागिन तैयर रहलक । हुंवा खेत में खाएक लागिन अन्न और उके संगे देवेक ले जनवर केर मांस आहे । और ईश्वर कहलाक,

अब मनोवा के अपन सरूप लेके बनाबूं । अब मनोवा के धरती केर सोभ जीनिस कर स्वामी होवेक दे । सेकर ले ईश्वर मनोवा के अपन रूप लेखे बनालक । ईश्वर केर जइसन रूप में उ उके बनालक ।



12

ईश्वर आदम के कहलक । जे भी तोयं पसंद करिस ला, बगीचा केर सोभ जीनिस तोयं खाय सकिसला । लेकुन बेस और बेकार कर ज्ञान वाला गाँछ केर फल नी खाबे । जदी तोयं उ गाँछ से खाबे तो तौयं सचे कर मोइर जबे ।




13

और ईश्वर स्वामी कहलक । “ई बेस नी आहे की मनोवा एकला रेही । मोयं उकर ले एगो संगी बनाबों ।” ईश्वर सोभे चराई और जंगल केर जनवर के अदम ठिना लानलक । और आदम सोभ केर नाम रखलक । उ ई सोभ काम के बड़ी चतुराई से करलक । सेहों में, सोभ चराई और जंगली जनवर के बीचे केहों उकर ले बेस संगी नी भेटालएँ ।



14

ईश्वर आदम के बड़ी गहिरा नोंद में डाईल देलक । ईश्वर निदाल मनोवा केर पंजरा के निकलके जनी के बनालक । जे जनी के ईश्वर बनालक उ एकदम से आदम केर सही संगी होइ गेलक ।



15

ईश्वर छटवां दिना सोभ जीनिस के बनालक । उकर बदे ईश्वर सातवां दिना के आशीष करलक और ईके आराम कर दिना बनालक । अदन बगीचा में, आदम और उकर घारावनी हवा पूरा पूरा खुश, आज्ञाकारी राहें । ईश्वर उ मन के स्वामी, उपाय कराईया और संगी रहलक ।



16

जेखन ईश्वर सोभ जीनिस के बनालक
बाइबिल ईश्वर केर वचन कर कथा हेके
ई हमीन के मिलेला
उत्पत्ति 1-2

“तोर सुरवाती बतिया इंजोत कर कम करेला.”
भजन संहिता 119:130

17



1

60

18

ई बाइबिल कथा, अद्भुत ईश्वर केर बारे जे हमीन के बनालक और चाहेला की तोंय उके जान ।

ईश्वर जानेला की हमीन गलत कम कईर ही, उ उके पाप कहेला । पाप कर सजा तो मोरेक है, लेकिन ईश्वर तोके बहुते प्रेम करेला, उ अपन एके ओह छउवा जे रहक सेके भेजलक, “उ यीशु हेके” जे की कुरूस में तोर पाप केर सजा खातिर मोरलाक । और यीशु जीवन में फिर घुईर आलाक और अपन घर स्वर्ग चईल गेलक । येदी तोंय यीशु में पातीयाबे और तोर पाप केर क्षमा मंगबे, तो उ तोके क्षमा कईर देवी । उ आवी और एखन से तोर भीतरे रहेक शुरू करी और तोंय उकर संगे गोटा जीदगी राहबे ।

येदी तोंय पतियाईसला की ई सच्य हेके तो ई तोंय ईश्वर से बोल । दुलार यीशु मोंय पतियावना की तोंय ईश्वर हेकिस, और मनोवा बाईन मोर पाप खातिर मोरले, और एखन तोंय फिर से जीन्दा होइजा हीस । दया कईर के मोर जीवन में आव और मोर पाप के क्षमा कईर दे ताकी मोंय अब से नवा जीवन जीबुं, और एक दिना जिन्दगी भईर ले तोर संगे चईल जाबुं । मोके मदत कर तोर वचन के मानेक में ताकि तोर छउवा बाईन के तोर ले जीवन जी सकबुं । आमीन ।

रोईज दिना बाइबिल पाईठ के ईश्वर संगे बतियाओ । जोहन 3:16

19